



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **BH SLOBODNIH DEMOKRATA**

Broj: 03-07-6-1/09
Sarajevo, 18.02.2010. godine

SADRŽAJ

MIŠLJENJE REVIZORA	3
1. UVOD	3
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja BH Slobodnih Demokrata za 2008. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

BH Slobodni Demokrati nisu ispoštovali odredbe člana 11. stav (3) i stav (4) Zakona o finansiranju političkih stranaka jer nisu podnijeli godišnji finansijski izvještaj u zakonom utvrđenom roku, nisu dostavili dodatnu finansijsku dokumentaciju te nisu popunili godišnji finansijski izvještaj u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled godišnjeg finansijskog izvještaja BH Slobodnih Demokrata za 2008. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu BH Slobodni Demokrati su iskazali prihode u iznosu od 5.070,00 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	2.900,00	57,20%
3	Prilozi pravnih lica	2.170,00	42,80%
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	5.070,00	100,00%

Prema podacima iz godišnjeg finansijskog izvještaja BH Slobodni Demokrati su ostvarili rashode u iznosu 4.271,13 KM.

2. PREDSTAVLJANJE POLITIČKE STRANKE

Naziv političke stranke je BH Slobodni Demokrati. Skraćeni naziv stranke je BH SD. Stranka je registrovana 25.07.2005. godine u Općinskom sudu u Tuzli pod brojem R-I-1/05.

Sjedište BH Slobodnih Demokrata je u Tuzli, Filipa Kljajića 22 .

Lice ovlašteno za zastupanje stranke je Sead Avdić, predsjednik stranke.

Prema podacima iz godišnjeg finansijskog izvještaja, BH Slobodni Demokrati nemaju organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BH Slobodnih Demokrata za 2008. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li su BH Slobodni Demokrati u izvještajnom periodu postupali u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja BH Slobodnih Demokrata obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja BH Slobodnih Demokrata za 2007. godinu. Nakon obavljenog pregleda, odnosno kontrole finansijskog izvještaja ove političke stranke, izdat je izvještaj sa mišljenjem revizora, nalazima i preporukama revizije da stranka treba da postupa u skladu sa odredbama člana 11. stav (4) Zakona o finansiranju političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka i dalje krši odredbe člana 11. stav (3) i stav (4) Zakona o finansiranju političkih stranaka.

5. NALAZI I PREPORUKE

5.1. NALAZI

BH Slobodni Demokrati su prekršili odredbe člana 11. stav (3) i stav (4) Zakona o finansiranju političkih stranaka.¹

Godišnji finansijski izvještaj za 2008. godinu stranka je Centralnoj izbornoj komisiji BiH podnijela nakon zakonom utvrđenog roka.

- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

U obrascu 1. finansijskog izvještaja (Opšti podaci o političkoj stranci) stranka nije unijela opšte podatke o političkoj stranci, što je suprotno odredbama člana 9. stav (1) Pravilnika.²

¹ Politička stranka je obavezna da Centralnoj izbornoj komisiji Bosne i Hercegovine podnese finansijski izvještaj do 31.03. naredne godine za prethodnu godinu.

Sva lica koja su obavezna da podnesu izvještaj, moraju podnijeti i dodatne izvještaje na zahtjev Centralne izborne komisije BiH.

² Član 9. stav (1) Pravilnika o godišnjim finansijskim izvještajima političkih stranaka propisuje da se u Obrazac 1 (Opšti podaci o političkoj partiji) unose sljedeći podaci: naziv političke partije, skraćeni naziv, sjedište, adresa, broj telefona, identifikacioni broj dobijen od nadležnog poreskog organa, sud u kojem je izvršena registracija, broj i datum upisa u sudski registar, lice ovlašteno za zastupanje partije, ovlašteno lice za finansijske izvještaje i da li partija ima organizacione dijelove nižeg nivoa.

- Stranka nije dostavila dodatnu finansijsku dokumentaciju.

Centralna izborna komisija BiH je aktom br. 03-07-6-1/09 od 14.08.2009. godine od ove političke stranke zatražila da dostavi dodatnu finansijsku dokumentaciju vezanu za poslovanje stranke u 2008. godini. BH Slobodni Demokrati nisu postupili po zahtjevu, niti po urgenciji za dostavu dodatne dokumentacije upućenoj dana 23.09.2009. godine, odnosno nisu dostavili traženu dokumentaciju, čime su prekršili odredbe člana 11. stav (4) Zakona o finansiranju političkih stranaka.

5.2. PREPORUKE

Preporučuje se BH Slobodnim Demokratima da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (3) i stav (4) Zakona o finansiranju političkih stranaka, odnosno da finansijske izvještaje podnose Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka, da finansijske izvještaja dostavljaju u zakonom utvrđenom roku te da dostavlja i podnosi i druge izvještaje na zahtjev CIK BiH.*

KOMENTAR

Stranka BH Slobodni Demokrati se nije očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2008. godinu koji joj je dostavljen 29.01.2010. godine.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora